

TSHOOJ VI: Plaub Sib Nrauj Nrog Kev Ploj Tuag

- A. Ib nkawm niam txiv twg sib yuav thiab sib nrauj muaj ntaub ntawv.

Tom qab sib nrauj tag yog ib tug ho tau tag sim neej los nkawv yuav tsis yog niam txiv lawm, niam tuag los txiv yuav tsis pam, txiv tuag los niam yuav tsis pam lawm yog hais tias nkawv yeej muaj ntaub ntawv hauv Xam los ua pov thawj tseeb tias nkawv tau sib nrauj lawm.

- B. Nkawm niam txiv twg sib yuav thiab sib nrauj tsis muaj ntaub ntawv raws li hmoob kab lis kev cai.

Tom qab nkawv sib nrauj tag tsis hais yog tus niam los yog tus txiv. Yog ib tug twg tau tag sim neej tsuav muaj daim ntaub ntawv los hauv Xam los yog hauv Hmoob kev txwj laus neeg los ua pov thawj tias nkawv tau sib nrauj thiab faib khoom vaj khoom tsev lawm. Ib tug yuav tsis pam ib tug lawm.

- C. Nrauj txiv tsis nrauj xeem.

Yog hnuv twg tus niam tau tag sim neej, yeej muaj pov thawj los ntawm neej tsa thiab kwv tij hais tias muaj tiag qhov nov txhais tau hais tias tus niam yeej tseem yog tus txiv li dab qhuas, tus txiv los yog cov me tub me nyuam tseem muaj feem xyuam los nres lub ntees.

Yog tus txiv ho tau tag sim neej los cov tub cov kiv thiab tsoom kwv tij yuav tau los nta lub ntees, ntawm tus niam ces tsis muaj feem xyuam lawm.

- D. Nkawm niam txiv muaj ntaub ntawv tiv thaiv

Suav txij li nkawv ib tug tau ua ntaub ntawv tiv thaiv ib tug lawm tsis tau hais tias yog tus niam los yog tus txiv.

Yog thaum muaj kev tag sim neej los ib tug yuav tsis muaj feem xyuam los pam ib tug lawm. Nyias yuav tau pam nyias tus kheej, yog hais tias nws muaj daim ntawv pov thawj los nram tsoom fwv los qhia tias muaj tseeb lawm.

TSHOOJ VII: Nkawm Niam Txiv Xyuam Phaj Sib Nrauj

1. Yog tus niam tuaj xyuam phaj nrauj tus txiv rau hauv Koom Haum 18 Xeeb los yog tsoom koj noj koj ua tom tsev. Yog Koom Haum los yog tsoom koj noj koj ua ib tug twg tau tso xov rau tus txiv li 3 zaug es yog tus txiv tsis tuaj muab kev koom tes qhov nov Koom Haum yuav tsis muaj cai tuav tau rooj plaub no tseg, yog li Koom Haum yuav tau tso kev rau tus niam.
2. Suav txij hnuv tus niam tuaj xyuam phaj nrauj tus txiv ntawd tsis hais ntev los yog luv. Yog tus niam ho tau tag sim neej los tus txiv yuav tsum tau los nres lub ntees raws li nkawv kev txij nkawm.